

中緬邦交論

陳思明編著

一、中緬歷史關係

考中緬兩國邦交，據我國史籍所載，已有二千年之悠久歷史，其文化關係之密切，民族接觸之融洽，早已寫下中緬史上最光榮之一頁，凡讀中國史者，皆知在後漢時有掸國，唐有驪國，宋元之際有緬國，均當時對緬甸之異稱，實即異名同國，至明清則始稱緬甸。

掸國 後漢和帝永元九年，春正月，暹國名土雍田調，遣重譯奉其國之珍寶朝貢，和帝賜以金印紫綬。安帝永寧元年冬，十二月，掸國雍田調復遣使詣闕朝貢，獻樂及幻人，幻人能變化，吐火，自支解，易牛馬頭，又善跳丸，數至千次，明年，建光九年，元曾作樂於庭，掸使與焉，安帝封都尉，至順帝永建五年冬十一月，掸國又作第二次之入貢。

驪國 唐書云：「驪國在永昌故郡西南二千餘里，去上郡一萬四千里；其國東西三十里，南北三千五百里；東鄰真臘國（即今之柬埔寨），西接東天竺國（即今之印度），南盡滇海，北通南詔（國名，其地爲今雲南大理縣）。些樂城界，東北拒陽直（今雲南大理縣治）。六千八百里。」又西南夷風土記序云：「古剌國，夷言朱闌波，又謂之朱波國也；處南海之濱，遠在諸夷之外，自古不通中國。晉魏間，傳聞永昌三千里，有剌國；君臣父子長幼有序。」又魏源《聖武記》云：「滇邊西南爲大理，麗江，永昌，騰越；正南爲順甯，普洱，元江諸府州地；斜袤四千里，皆界緬甸。」

；而永昌之虎踞，天馬二關（爲騰衝八關之二，八關者：萬仞，巨石，神護，銅壁，鐵壁，漢龍，虎踞，天馬也。）其門戶；大金沙江（卽伊洛瓦底江）自西藏貫其國入海，或言卽禹貢黑水入南海之路也。於唐爲勸國。」上述之緬國與勸國，聖武記始確定爲後之緬甸。

緬國 宋史述當時緬國之國情，謂其國有城郭屋廬以居，有象馬以乘，有舟筏以濟；文字進上者用金葉寫之，次用紙，又次用檳榔葉，謂之「緬書」；蓋目成一體，須臾譯而後通也。其王居阿瓦城，南至海，西至孟養，北至孟密；所屬有木邦等十三路，地域遼闊，俗尚智柔；其官民服筋，與南掌（雲南邊外之土司，在暹羅東北，安南之西，每越八年一貢中國，每次貢象二隻，明清時內附，後爲暹羅屬國云）見薛福成庸庵日記。）相似，婦人束髮穿耳，短衣，圍以錦幅長裙，其地有名老官屯者，多海鹽，恆與內地貿易；土產有蘇木，象牙，翠羽，木棉之屬。又南宋甯宗時，緬國進其國之最高貴之獸——白象，珍禮可知。

元代亦稱緬甸爲緬國。世祖至元十年春二月，遣使往其國並賜緬國與書云：「聞者不埋，鄒蘭等路官思司都元帥府，差乞帶脫因導王國使併博詣京師（元都燕京。）且言帶至其國，但見其臣下，未見其王；又欲觀吾入國舍利，朕矜閔遠來，命其觀見，又使縱觀舍利；詢其所來，乃知土有內附心之意。朕一社同仁，今再遣勅馬馳失里及禮部郎中國信使乞帶脫因，工部郎中國信副使上云失往諭國王。誠能謹事大之禮，遣其子弟若貴近臣僚一來，以彰我國家無外之義；用敦永好，時乃之休。至於用兵，夫誰所好。王其思之。」又世祖至元中，在緬甸置太公路於太公城。成宗入德九年，

奉二月，拜的立普哇拿阿迪提牙爲緬國王，其詔書云：「我國家自祖宗肇造以來，萬邦黎獻，莫不畏感懷德。癸卯朝臨御之日，爾國使人稟命入覲，詔允其請，邇乃遽食前言，是以我闔帥之臣，加兵於彼。比者爾遣干信合八的奉表來朝，宣示含弘，特加恩渥，今封的立普哇拿阿迪提牙爲緬國王，賜之銀印；弄信合八的爲緬國世子，錫以虎符。仍戒飭雲南等邊將，毋擅興兵甲，爾國官民，各宜安業。」按是年信合八的之入朝，並請歲輸銀二千五百兩，帛千匹，馴象二十，糧萬石，世子返國，元廷將尙書駁化的伴之回緬。又輒詔書有「仍戒飭雲南等處邊將，毋擅興兵甲」等語，於以見邊界部屬之藉端啓釁。據元代史籍所載元緬戰爭，實有多次，然終歸於和好，信使往還如初。又新元史緬國傳云：「緬國東平八百宣慰司，南至海，西至孟養，北至孟密宣撫司，東北三十八程至雲南賓治。其山曰卜豹，其水曰大金沙江，緬人恃以爲險。其俗：勇悍，男子善浮水，結髻頂前，用青白布纏之；婦人結髻頂後，不施脂粉；事佛敬僧，有大事，則抱佛設誓，或詣僧誓之然後決。其產：象、犀、馬、椰子、白氈布、兜羅綿；樹類椶，高五六丈，結實如掌，土人以繩網罽中，以索懸罽於實下，割實取汁，熬爲白糖，其葉卽貝葉，寫緬書用之；石油自石縫流出，臭惡而色黑，可塗瘡。都會有江頭城，至騰衝十五日；太公城，在江頭城南十日；馬來城在太公城南八日；安正城在馬來城南五日；蒲甘（緬國都城。今爲价地，不可考。）在安正城南五日，所謂緬中五城也。」

緬甸 緬甸在元代以前，其事多入於各代書史之四夷列傳或外國列傳中，至明代則視同各省之行政區域，不儕於四夷或外國，以其已入明之版圖矣。明史緬甸傳云：「緬甸，古朱波地。宋甯宗

時緬甸，波斯等國，白象：緬甸通中國，自此始。地在雲南西南，最窮遠。有城郭廬舍，多樓居。元至元中，屢討之，乃入貢。又洪武二十七年，置緬甸宣慰使司，以土長卜剌浪爲宣慰使。又明史地理志注云：「北（司之北）有大金沙江，其上流即大盈江也；源出青石山，自孟養境流經司北江頭城下；下流注南海。東有阿瓦河，自孟養流入境；下流入大金沙江。又北有江頭城，太公城，馬來城，安正國城，蒲甘，謂之緬甸五城。元置太公驛於太公城，洪武十五年三月爲府。後廢。

又明代末帝永明王（永歷帝）在肇慶，雲南等處，相繼兵敗，乃走入緬甸，緬人執獻於清軍，梟爲清平西王吳三桂絞殺於雲南。時康熙元年事也。據清李瑤釋史撫遺紀王入緬軼事及被執情形云：「昆明諸生薛大觀於王之將入緬甸也，喟然嘆曰：生不齒背城一戰，以君臣同死社稷；顧欲走遠邦，圖苟活，不重可羞耶？永明王之初入阿瓦也，緬人請諸大臣過河議事；以冊寶旂神宗時差小，疑爲假，及出沐國公印券對符，始信，始肯延入舊城，旣而進居緒經，緬人則植木爲城，編竹爲垣，置草屋數十間，安置從官。緬婦多自來貿易，諸臣亦短衣跣足，效之爲樂；大爲緬人所輕。時馬吉翔，李國泰比奸顯權，脅奏大臣有三日不舉火者，王無以應；翌日，翔，泰復合奏，詞頗激；王怒，以御寶擲下，翔就地擊之碎，散給諸臣，人各數星，其兇悍如此；王祖望，鄧居詔，任國璽等各蹄勦之；王固無如翔，泰何也。綏甯伯蕭纓大開賭市，晝夜呼盧不絕；華亭侯 王維恭與內監爭賭，蕭索諸敵中外，緬人益鄙之。錦衣衛諸明鑑等謀將潛奉世子逸出，出則並殺翔，泰，事洩不果，